

სსიპ – ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე ასოცირებული პროფესორების სამსახურში მისაღებად რექტორის 2018 წლის 14 დეკემბრის №311/01-01 ბრძანების საფუძველზე კომპიუტერულ მეცნიერებათა დეპარტამენტის თეორიული ინფორმატიკის კათედრაზე გამოცხადებული კონკურსის ჩატარების უზრუნველსაყოფად უნივერსიტეტის აკადემიური საბჭოს 2019 წლის 16 იანვრის №3/2019 დადგენილების მე-4 პუნქტის საფუძველზე დამტკიცებული საკონკურსო კომისიის სხდომის

### ოქმი (შემაჯამებელი) № 3

ქ. თბილისი

11 თებერვალი, 2019 წელი  
12: 00 სთ.

კომისიის ხუთი წევრიდან სხდომას ესწრებოდა ხუთივე წევრი: 1. თსუ-ს პროფესორი ალექსანდრე გამყრელიძე (კომისიის თავმჯდომარე); 2. საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის პროფესორი კობა გელაშვილი (კომისიის თავმჯდომარის მოადგილე); 3. თსუ-ს ასოცირებული პროფესორი ირინა ხუციშვილი (კომისიის მდივანი); 4. საქართველოს უნივერსიტეტის პროფესორი სერგო ცირამუა; 5. საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ასოცირებული პროფესორი პაატა გოგიშვილი.

#### დღის წესრიგი:

1. ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის კომპიუტერულ მეცნიერებათა დეპარტამენტის თეორიული ინფორმატიკის კათედრაზე ასოცირებული პროფესორის ერთ ვაკანტურ თანამდებობაზე გამოცხადებული კონკურსის ჩატარების შედეგების შეჯამება.
2. კონკურსის შედეგების ამსახველი შემაჯამებელი ოქმის უნივერსიტეტის აკადემიური საბჭოსთვის დასამტკიცებლად გადაცემა.

#### 1. მოისმინეს:

საკონკურსო კომისიის თავმჯდომარის, პროფესორ ალექსანდრე გამყრელიმის ინფორმაცია საკონკურსო კომისიის მიერ შეფასების ორივე ეტაპის შედეგების განხილვის საფუძველზე მიღებული გადაწყვეტილებებისა და კონკურსის შედეგების შეჯამების შესახებ.

მან აღნიშნა, რომ შეფასების პირველ ეტაპზე საკონკურსო კომისიის მიერ შემოწმდა საკონკურსო დოკუმენტაცია, შეფასდა კონკურსანტის ანეტაში მოყვანილი ინფორმაცია კონკურსანტის შეფასების ფორმის მიხედვით (დანართი N4).

კომპიუტერულ მეცნიერებათა დეპარტამენტის თეორიული ინფორმატიკის კათედრაზე ასოცირებული პროფესორის ერთ ვაკანტურ თანამდებობაზე განცხადება შემოიტანა ერთმა კანდიდატმა: ლელა ალხაზიშვილმა.

შეფასების პირველ ეტაპზე, წარმოდგენილი დოკუმენტაციის საფუძველზე

I კატეგორიის (ფორმალური კვალიფიკაციის შესაბამისობა ვაკანსიის პროფილთან) მიხედვით კონკურსანტის შეფასება „კვალიფიკაცია აკმაყოფილებს მოთხოვნებს“, რადგან კონკურსანტის განათლება, აკადემიური/სამეცნიერო ხარისხი, სამსახურობრივი გამოცდილება და პედაგოგიური სტაჟი ვაკანსიის პროფილის შესაბამისია და სრულად აკმაყოფილებს მოთხოვნებს.

II კატეგორიაში (პედაგოგიური გამოცდილების შესაბამისობა ვაკანსიის პროფილთან) კონკურსანტმა მიიღო შეფასება „მაღალი“, ვინაიდან კონკურსანტის პედაგოგიური გამოცდილება და სასწავლო-მეთოდური საქმიანობა ვაკანსიის პროფილის შესაბამისია, წარმოდგენილი სილაბუსების ფორმა და შინაარსი შესაბამება თსუ-ში დადგენილ მოთხოვნებს, მის მიერ წაკითხული კურსები შედის კომპიუტერულ მეცნიერებათა დეპარტამენტის საბაკალავრო პროგრამის სავალდებულო საგნების ნუსხაში.

III კატეგორიის (სამეცნიერო-კვლევითი საქმიანობა) ორივე პუნქტში კომისიის გადაწყვეტილებით კონკურსანტმა მიიღო შეფასება „მაღალი“. კონკურსანტს წარმოდგენილი აქვს სტატიები მაღალი დონის რეცენზირებად უურნალებში, საკონფერენციო მასალები, ელექტრონულ არქივში e-print (11); გაკეთებული აქვს მოხსენებები საერთაშორისო და ადგილობრივ კონფერენციებზე (3); კონკურსანტის სამეცნიერო პროდუქტიულობის მაჩვენებელია: ციტირების ინდექსი – 33; h-ინდექსი – 3; g-ინდექსი – 5.

საკონკურსო კომისიისათვის შესაფასებლად წარმოდგენილი გამოქვეყნებული ნაშრომი კომისიის მიერ შეფასდა, როგორც მაღალ სამეცნიერო დონეზე შესრულებული დარგთან სრულ შესაბამისობაში მყოფი სამეცნიერო შრომა. კონკურსანტის სამეცნიერო კვლევების კონცეფციაში ასახულია მისი გამოცდილება, სამეცნიერო კვლევების მიმართულებები და მომავალი პერსპექტივები.

IV კატეგორიის (სხვა სახის აქტივობა) ორივე ნაწილში კონკურსანტის შეფასებაა „მაღალი“. ლელა ალხაზიშვილი არის ზუსტ და საბუნებისმეტყველო მეცნიერებათა ფაკულტეტის საბჭოს წევრი; 2018 წელს – 2 სამაგისტრო ნაშრომის და 1 სტუდენტთა სამეცნიერო კონფერენციზე წარდგენილი მოხსენების ხელმძღვანელი; ფლობს კომპიუტერული პროგრამების ფართო სპექტრს; უცხო ენებიდან თავისუფლად რუსულს და კარგად ინგლისურს.

ამრიგად, კონკურსანტს მიენიჭა პრეტენდენტის სტატუსი და გადავიდა კონკურსის მეორე ეტაპზე – გასაუბრებაზე.

გასაუბრების ეტაპზე კომისიის წევრების მიერ დასმულ შეკითხვებს პრეტენდენტმა ამომწურავი პასუხები გასცა. გასაუბრების შედეგებით დადასტურდა, რომ პრეტენდენტი სამუშაო გამოცდილებით, ერუდიციით და პროფესიული უნარ-ჩვევებით, გადმოცემისა და ლოგიკური აზროვნების უნარით, ქცევისა და მეტყველების მანერით, დისკუსიაში ჩართულობის უნარით სრულ შესაბამისობაშია კომპიუტერულ მეცნიერებათა დეპარტამენტის თეორიული ინფორმატიკის კათედრაზე არსებულ ასოცირებული პროფესორის ვაკანტურ თანამდებობასთან.

მოქმედი დებულების თანახმად ჩატარდა ფარული კენჭისყრა. საკონკურსო კომისიამ ერთხმად (5 მომხრე, არცერთი წინააღმდეგი) დაუჭირა მხარი ლელა ალხაზიშვილის კანდიდატურას.

#### დაადგინეს:

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის კომპიუტერულ მეცნიერებათა დეპარტამენტის თეორიული ინფორმატიკის კათედრაზე ასოცირებული პროფესორის ვაკანტურ გამოცხადებულ კონკურსში გამარჯვებულად გამოვლინდა შემდეგი კანდიდატი:

კომპიუტერულ მეცნიერებათა დეპარტამენტი  
კათედრა – თეორიული ინფორმატიკა


ლელა ალხაზიშვილი – ასოცირებული პროფესორი.

2. კომისიამ იმსჯელა და უნივერსიტეტის აკადემიური საბჭოს №118/2014 დადგენილებით  
დამტკიცებული აკადემიური პერსონალის სამსახურში მიღებისა და კონკურსის ჩატარების წესის  
თანახმად და ერთხმად

**დაადგინა:** შემაჯამებელი ოქმი დასამტკიცებლად გადაეცეს უნივერსიტეტის აკადემიურ საბჭოს.

კომისიის თავმჯდომარე:

პროფ. ალექსანდრე გამყრელიძე



კომისიის თავმჯდომარის მოადგილე:

პროფ. კობა გელაშვილი



კომისიის მდივანი:

ასოც. პროფ. ირინა ხუციშვილი

კომისიის წევრები:

პროფ. სერგო ცირამუა



ასოც. პროფ. პაატა გოგიშვილი

